

ত্রিপুরা সরকার
তথ্য ও সংস্কৃতি অধিকার

স-৫ ১৩৬
শান্তিরবাজার, ১১ মার্চ, ২০২৪

বীরচন্দ্রমনুতে ৩৩/ ১১ কেভি বিদ্যুৎ সাবস্টেশনের উদ্বোধন
বিদ্যুৎ পরিষেবার উন্নয়নে সরকার বিভিন্ন পদক্ষেপ নিয়েছে : বিদ্যুৎ মন্ত্রী

রাজ্যের সার্বিক বিকাশের পাশাপাশি বিদ্যুৎ পরিষেবার উন্নয়নেও সরকার বিভিন্ন পদক্ষেপ নিয়েছে। নতুন নতুন বিদ্যুৎ সাবস্টেশন নির্মাণ, নতুন বিদ্যুৎ লাইন সম্প্রসারণ সহ উন্নত প্রযুক্তির মাধ্যমে গ্রামীণ এলাকাতে বিদ্যুৎ পৌছে দেওয়া হচ্ছে। আজ শান্তিরবাজার মহকুমার বীরচন্দ্রমনুতে ৩৩/ ১১ কেভি বিদ্যুৎ সাবস্টেশনের উদ্বোধন করে কৃষি ও বিদ্যুৎ দপ্তরের মন্ত্রী রতনলাল নাথ একথা বলেন। উদ্বোধনী অনুষ্ঠানে উপস্থিত ছিলেন সমবায়মন্ত্রী শুক্লাচরণ নোয়াতিয়া, বিধায়ক প্রমোদ রিয়াৎ, শান্তিরবাজার পুর পরিষদের চেয়ারপার্সন স্বপ্না বৈদ্য, সচিব অভিযুক্ত সিৎ, সমাজসেবী শ্যামলাল দেবনাথ প্রমুখ। অনুষ্ঠানে স্বাগত বক্তব্য রাখেন ত্রিপুরা রাজ্য বিদ্যুৎ নিগমের ম্যানেজিং ডি঱েক্টর দেবাশিস সরকার। সভাপতিত্ব করেন বিদ্যুৎ নিগমের জেনারেল ম্যানেজার স্বপন দেববর্মা। উল্লেখ্য, ৮ কোটি ১০ লক্ষ ৬৮ হাজার ৯৬১ টাকা ব্যয়ে এই সাবস্টেশনটি নির্মাণ করা হয়েছে।

অনুষ্ঠানে বিদ্যুৎ মন্ত্রী বলেন, বিদ্যুৎ পরিষেবার উন্নয়ন ছাড়া উন্নয়ন কর্মসূচি সম্বৰ নয়। তাই রাজ্য সরকার বিদ্যুৎ পরিষেবার উন্নয়নে বিশেষ গুরুত্ব দিয়ে কাজ করছে। রুখিয়াতে বিদ্যুৎ উৎপাদন বাড়িয়ে ১২০ মেগাওয়াট করার জন্য অত্যাধুনিক যন্ত্রপাতি বসানো হবে। রাজ্যে গ্রামীণ এলাকার দেড় লক্ষ পরিবারে সৌভাগ্য যোজনায় বিদ্যুৎ সংযোগ দেওয়ার কাজ চলছে। অনুষ্ঠানে সমবায়মন্ত্রী শুক্লাচরণ নোয়াতিয়া বলেন, বীরচন্দ্রমনু বিদ্যুৎ সাবস্টেশনটি নির্মাণের ফলে এই এলাকার ১০টি এডিসি ভিলেজের জনগন উপকৃত হবেন। কৃষি ও বিদ্যুৎ দপ্তরের মন্ত্রী রতনলাল নাথ আজ শান্তিরবাজারে একটি গ্রামীণ কৃষি শিক্ষা কেন্দ্রেরও দ্বারোদঘাটন করেন। এই অনুষ্ঠানে কৃষিমন্ত্রী কৃষকদের মধ্যে ৫০টি স্প্রে মেশিন এবং ৪টি পাওয়ারটিলার বিতরণ করেন।
